

КОМИ РЕСПУБЛИКАСА КОМИ КЫВ КОМИССИЯЛӨН

2011 вося косму тöлысь 1 лун

4 №-а

СЁРНИГИЖÖД

Волісны: Марков В.П., Козулина С.Г., Цыпанов Е.А., Безносикова Л.М., Карманова А.Н., Коснырева Е.Г., Макарова Н.Д., Попова Н.А., Тимин В.В., Федина М.С.

Видлалісны да сöгласуйтісны:

1. Коми Республикаса Оланподулысь 21-30 статьяяс.

21 статья

Быдöнлөн эм олём вылө инöd.

Мортлысь ёрдөн шуом серти лов босьтём, водзö вылө сійöс дзик дугöдтöдз, федеральной оланпас вермö индыны кызди медся чорыд мыждём, вöчöма кö олёмлы паныд торья ыджыд лёктор. Та дырйи мыждана мортлөн эм сылысь делöсö ёрдын присяжной заседательясөн видлалём вылө инöd.

22 статья

Мортлысь бур нимсö видзö канму. Сійöс омöльтан некутшöм помка оз вермы лоны.

Некодöс оз позь пытайтны, нартитны, увтыртны сылысь мортлунсö, вöчны сылы лёктор либö мыждыны. Ас кöсйытöг некод вылын оз позь вöчавны медицинскöй, научной либö мукöд сикас опыт.

23 статья

Быдöнлөн эм вöля вылө да вөрзьöдтöмлун вылө инöd.

Мöd юкөнсö киритöма. - 2001.10.12 лунся 45-РЗ №-а КР Оланпас.

24 статья

Быд мортлөн эм ас олём вөрзёдтөмлун вылө, аслас да семьялөн гусятор вылө, ассыс бур нимсө да мортлунсө дорйём вылө инөд.

Быдөнлөн эм инөд йөзасьёмысь видзны письмөасьём, телефон сёрни, пошта, телеграф пыр да мукөд ног сетём юөр. Тайё инөдсө позьё дзескөдны сөмын ёрдлөн шуём серти.

25 статья

Мортлөн кёсйытөг оз позь чукөртны, видзны, паськөдны сылөн олём йылысь юөръяс да вөдитчыны наён.

Каналан власьт органъяс да меставывса асвеськөдлан органъяс, чина йөз быть сетёны позянлун быдөнлы төдмасьны сылысь инөдъяс да вөля вөрзёдан кабаляён да материалөн, оланпасён кё мөдтор абу индёма.

26 статья

Мортлысь оланінсө оз позь вөрзёдны. Некод оз вермы пырны оланінө сэні олысьяслөн кёсйытөг. Тайёс позьё вөчны сөмын федеральной оланпасён урчитөмөн либө ёрд шуём серти.

27 статья

Быдөн вермө индыны ассыс войтырсикассө. Некодөс оз позь мырдөн тшөктыны индыны ассыс войтырсикассө.

Быдөнлөн эм инөд сёрнитны чужан кывйён, бөрйыны сёрнитан, сөвман-велөдчан да творческөя уджалан кыв.

28 статья

Коми Республикаын эм ас вөляысь ветлём-мунём, овланін да олан места бөрйём вылө инөд.

29 статья

Быдён вермө овны сөвесът серти, ас вöляысь эскыны енлы, эскыны öткөн либö мукöдкöд öтвылысь кöть кутшöм енлы либö овны енлы эскытöг, сідзжö ас вöляысь бöрйыны да паськöдны енлы эскана да мукöд сикас видзöдлас, овны на серти, та дырйи кö оз торкавсьы оланпас.

30 статья

Быдён вермө ас вöляысь мöвпавны да сёрнитны.

Оз позь паськöдны социальной, раса, войтырсикас либö енлы эскöм серти лöгалöм да лёкалöм и сідзжö ышöдны та вылö. Оз позь паськöдны социальной торьялöм, раса, войтырсикас, енлы эскöм либö кыв серти верктуялöм.

Некодöс оз позь мырдён тшöктыны юксьыны аслас мöвпьясөн да видзöдласьясөн либö энöвтчыны наысь.

Быдёнлөн эм инöд оланпас вылö мыджсьöмөн быд ног корсьны, босьтны, сетны, лэдзны да разöдны юөр. Каналан гусяторьяс лыддьöг урчитö оланпас.

Сетьö тыр позянлун ас вöляысь йöзöс юөртöм вылö. Цензура оз вермы лоны.

Комиссияөн веськöдлысь

В.П.Марков

Комиссияөн веськöдлысьöс вежысь

С.Г.Козулина

Кывкутысь секретар

Е.Г.Коснырева